



Bosnia and Herzegovina  
Federation of Bosnia and Herzegovina

**CANTON SARAJEVO**  
Prime Minister's Office

Broj: 02/01-11-22104/23  
Sarajevo, 13.06.2023. g.

Na osnovu člana 22. stav (3), u vezi sa članom 36. Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 15/23), člana 14. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i i 13/22), Odluke Vlade Kantona Sarajevo o usvajanju Programa utroška sredstava putem dodjele transfera za finansiranje i sufinansiranje aktivnosti/programa/projekata neprofitnih organizacija i drugih pravnih lica sa razdjela Kabineta premijera Kantona Sarajevo za 2023. godinu, broj 02-04-22103-34/23 ("Službene novine Kantona Sarajevo", broj 24/23), Kabinet premijera Kantona Sarajevo *o b j a v l j u j e*

## JAVNI POZIV

**za finansiranje/sufinansiranje projekata, programa i aktivnosti neprofitnih organizacija i drugih pravnih lica usmjerenih ka poboljšanju kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice**

### I PREDMET JAVNOG POZIVA

- (1) Finansiranje/sufinansiranje projekata, programa i aktivnosti neprofitnih organizacija i drugih pravnih lica usmjerenih ka poboljšanju kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice.
- (2) Sredstva za realizaciju finansijskih sredstava po osnovu Javnog poziva osigurana su u Budžetu Kantona Sarajevo za 2023. godinu, na razdjelu Kabineta premijera Kantona Sarajevo u ukupnom iznosu od 115.000 KM.
- (3) Od iznosa iz stava (2) ukupno 5% sredstava može biti izdvojeno za finansiranje i sufinansiranje administrativnih troškova.

### II PRAVO PRIJAVE

- (1) Pravo prijave na Javni poziv imaju neprofitne organizacije i druga pravna lica sa sjedištem u Srebrenici, Bratuncu, Milićima, Vlasenici, Zvorniku, Višegradu i Rogatici, odnosno neprofitne organizacije i pravna lica sa drugim sjedištem, čiji su predloženi projekti i aktivnosti usko i neposredno povezani sa poboljšanjem kvalitete života građana odnosnih područja.
- (2) Ukoliko aplikanti budu aplicirali sa više programa/aktivnosti/projekata, biti će prihvaćen samo jedan program/aktivnost/projekat.

### III KRITERIJI ZA DODJELU SREDSTAVA

#### 1. OPĆI KRITERIJI - potrebna dokumentacija:

- a) popunjen obrazac prijave za finansiranje/sufinansiranje projekta/programa/aktivnosti sa popisom priloga dostavljene dokumentacije (potpisan od ovlaštenog lica i ovjeren pečatom aplikanta)
- b) izjava ovlaštenog lica podnosioca prijave (potpisana od ovlaštenog lica, ovjerena pečatom aplikanta i ovjerena kod nadležnog organa)
- c) rješenje o upisu u odgovarajući registar (ovjerena kopija kod nadležnog organa)



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-068, Fax: + 387 (0) 33 562-211  
Web: <http://vlada.ks.gov.ba>  
E-mail: [kabinet.premijera@vlada.ks.gov.ba](mailto:kabinet.premijera@vlada.ks.gov.ba)

- d) izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (potpisana od ovlaštenog lica, ovjerena pečatom aplikanta i ovjerena kod nadležnog organa)
- e) uvjerenje o poreskoj registraciji - identifikacioni broj za pravno lice
- f) potvrda poslovne banke da račun nije blokiran iz kojeg se vidi broj transakcijskog računa (ne starije od tri mjeseca)
- g) program rada za 2023. godinu sa obrazloženjem (potpisan od ovlaštenog lica i ovjeren pečatom aplikanta)
- h) finansijski plan za 2023. godinu sa analitički razrađenim troškovnikom projekta (potpisan od ovlaštenog lica i ovjeren pečatom aplikanta)
- i) uvjerenje od porezne uprave o izmirenim poreznim obavezama (ne starije od tri mjeseca)
- j) uvjerenje od porezne uprave o izmirenim porezima i doprinosima za zaposlene - ukoliko ima zaposlenih, (udruženje koje nema uposlenih i neizmirenih obaveza treba dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje) - ne starije od tri mjeseca
- k) zapisnik sa sjednice nadležnog tijela (skupština, upravni odbor) na kojoj je usvojen izvještaj o radu sa finansijskim izvještajem za prethodnu godinu (potpisan od ovlaštenog lica i ovjeren pečatom aplikanta)
- l) bilans stanja i bilans uspjeha za prethodnu godinu sa vidljivim pečatom Finansijsko Informatičke Agencije, ovlaštene za ovjeru. Za podnosioca prijave koji je registrovan u prethodnoj godini - potvrda da nije bilo promjena na računu sa pečatom Finansijsko Informatičke Agencije (ovjeren od strane nadležnog organa)
- m) izjava da je podnosilac prijave uredno ispunio sve obaveze iz prethodno zaključenih ugovora o finansiranju i sufinansiranju iz budžetskih sredstava (potpisana od ovlaštenog lica, ovjerena pečatom aplikanta i ovjerena kod nadležnog organa)

## **2. POSEBNI KRITERIJI - potrebna dokumentacija:**

a) Opis projekta/programa/aktivnosti (maksimalno dvije stranice) koji obavezno sadrži:

- naziv projekta/programa/aktivnosti;
- opis potreba, ciljevi, ciljne grupe;
- plan realizacije projekta – sa naročitim osvrtom na kvalitet planiranih aktivnosti i metode provođenja koje su usko povezane sa unapređenjem kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice;
- lokacija projekta, trajanje projekta i osoblje;
- kvalitetno razrađen i specificiran budžet sa informacijama o ukupnom iznosu finansijskih sredstava potrebnih za provođenje projekta, iznosu koji se traži od Kabineta premijera Kantona Sarajevo, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznosu vlastitih sredstava koje će podnosilac prijave sam uložiti u provođenje projekta (sufinansiranje), direktne troškove provođenja projekta razrađene po izvorima finansiranja, te indirektne troškove provođenja projekta;
- kratak opis dosadašnjeg iskustva podnosioca u provođenju istog ili sličnih aktivnosti/programa/projekata i
- očekivani utjecaj i posljedice projekta/programa/aktivnosti, odnosno koje se promjene očekuju od njihovog provođenja.

Ukoliko u realizaciji projekta/programa/aktivnosti učestvuju partneri, navesti njihovo učešće realizaciji, te njihove kapacitete i dosadašnje iskustvo.

## **IV ROK I NAČIN DOSTAVLJANJA PRIJAVE NA JAVNI POZIV**

1. Krajnji rok za podnošenje prijave je 15 (petnaest) dana od dana objavljivanja Javnog poziva u dnevnim novinama "Oslobođenje" i na web stranici Vlade Kantona Sarajevo: <https://vlada.ks.gov.ba/aktuelnosti/konkursi>



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-068, Fax: + 387 (0) 33 562-211

Web: <http://vlada.ks.gov.ba>

E-mail: [kabinet.premijera@vlada.ks.gov.ba](mailto:kabinet.premijera@vlada.ks.gov.ba)

2. Uputstvo za podnosiocje prijave na ovaj javni poziv biti će dostupno na web stranici Vlade Kantona Sarajevo: <https://vlada.ks.gov.ba/aktuelnosti/konkursi> .

3. Prijava sa odgovarajućom dokumentacijom podnosi se u zatvorenoj koverti na čijoj poleđini obavezno navesti ime podnosioca prijave, adresu, kontakt telefon, a može se predati lično na protokol Kantona Sarajevo ili poslati preporučeno poštom na adresu:

**KANTON SARAJEVO**  
**KABINET PREMIJERA KANTONA SARAJEVO**  
**Ulica Reisa Džemaludina Čauševića br. 1**  
**71 000 Sarajevo**  
**JAVNI POZIV**

*sa naznakom:*

**"Prijava na Javni poziv za za finansiranje/sufinansiranje projekata, programa i aktivnosti neprofitnih organizacija i drugih pravnih lica usmjerenih ka poboljšanju kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice"**

**(Ne otvaraj - otvara Komisija)**

## V OPŠTE ODREDBE

1. Rukovodilac davaoca sredstava imenovat će komisiju za provođenje Javnog poziva. U skladu sa članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i i 13/22), predsjednik, članovi komisije i sekretar će prije početka rada potpisati izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije. Osim osnova iz stava (3) člana 11. Uredbe, rukovodilac davaoca sredstava će, ukoliko smatra osnovanim i uputnim, i iz drugih razloga koji za posljedicu mogu imati pristrasno odlučivanje i razmatranje pristiglih prijava, isključiti predsjednika, člana, odnosno sekretara komisije za kojeg utvrdi da postoji sukob interesa.

2. Davalac sredstava će obavijestiti pismeno podnosiocje čije prijave nisu prihvaćene u roku od 8 (osam) radnih dana od dana objavljivanja rezultata. Podnosioci prijave imaju pravo na izjavljivanje prigovora rukovodiocu davaoca sredstava, u roku od 7 (sedam) dana od dana dostavljanja pismene obavijesti, nakon čega davalac transfera donosi konačnu odluku. Prigovor se ne može izjaviti ukoliko dostavljena dokumentacija na javni poziv nije potpuna.

3. Neblagovremene, nepotpune i neuredne prijave neće biti predmet razmatranja.

4. Za finansiranje/sufinansiranje realizacije odobrenih aktivnosti/programa/ projekata zaključit će se pojedinačni ugovori, kojim će se definisati međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, te neprihvatljivi troškovi, koji se ne mogu finansirati/sufinansirati dodijeljenim sredstvima.

Za sve dodatne informacije možete se obratiti Kabinetu premijera Kantona Sarajevo na tel. 033/562-072.

**KABINET PREMIJERA**

**Kantona Sarajevo**



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-068, Fax: + 387 (0) 33 562-211

Web: <http://vlada.ks.gov.ba>

E-mail: [kabinet.premijera@vlada.ks.gov.ba](mailto:kabinet.premijera@vlada.ks.gov.ba)